

Дөрлдәнә ашд сән

диилвр бәрцхäv

Багъчудас болн комсомольцирас бүрдсн мана тосхлтин бригад, Алдр Октябрьск социалистическ революцин 40-ч джилин бонд нерädгдсн дөрлдәнд шунмгъагар орлцад, тосхачирин сән бдрүр темдгтә диилвр күцсн ирв.

Мана бригад экн түрүндән урчудин бригад болдж кōдлдж йовла. Болв багъчуд кōдлмштән дамшад, нань чигн тосхлтин эрдм дасцхав. Тиигад ода мади дотр каменщикүд, штукатурмуд болн нань чигн улс бәәцхәнә. Иигдж кесг зүсн кōдлмш бригадин чидләр кегдлг болсар, зурагъан күцәлгън хурдар йовдг болв. Элстин тосхачир дундас мана бригадин коллектив түрүн болдж пәтртә нег гер, 4 пәтртә хойр гер дууслж өгв.

Бригадин комсомольцир болн багъчуд кōдлмштән болхла нег-негнәсн ард үлдх санан уга, социалистическ дөрлдәнд авсн даалгъвран мөнъкин давулдж күцәцхәнә. Бригадин чледүд нургълдж күс-дундур, хойр норм күцәцхәнә. Дөрлдәнә бмн нүүрт йовдж, күчкөлснә үлгүр үзүлдж йовцхәхнә И. Башангинов, А. Бадминов, О. Кекеев, Н. Лиджиев, С. Ашлуков, нань чигн улс.

Социалистическ дөрлдәнд орлца гисн нег-негндән дөнънөкдән күргәд, цугтан уралан йовдж, сәәнәр кōдлхиг күцлгън болджана. Эн учрар бидн эврәннй бригадин зурагъан күцәсн деерән талдан, ард үлдж йовх бригадст нөкдән күргх кергиг бас мартхшвдн. 8-д пәтртә гермүд тосхдж йовх бригадт зурагъан күцәлгънд таслвр гарснд бидн оч нөкл болад, тер гермүдән хурдар тосхдж дууслгъ тетгвдн.

Амтн бәәдг гермүд тосхлгъиг делгрүллгънә тускар КПСС-н ЦК-н болн СССР-н Министрмүдин Советин гаргъсн тогтавриг мана тосхачир икәр таасджацхана. Эн тогтаврар күүндвр кедж, шин даалгъвр авцхасндан, тосхачирин сән бдрт белг гидж тосхдж бәәх 8 пәтртә нег, неджәд пәтртә хойр гермүдиг болзгасн урд дуусх, хойрдгч брәл джилин производственн зурагъан 200 процент күцәх болдж комсомольцир болн

багъчуд үгән өгцхäv.

Авсн даалгъвран күцәхин төлә мана бригадин коллектив улм гүдждрдж кōдлдж бәәнә.

П. КУЦЕКОВ,

комсомольцирин болн багъчудин тосхлтин комплексн бригадин

6 бригадир.